



22339

inkamp

III

Mag. St. Dr.

P

40

1106

Whist. pol. 5545

Biblioteka Jagiellońska



stdr0004660



DELVBRVM
BONÆ SPEI

^{7 N}
FESTAS, AVSPICATASQ; NVPTIAS,

ILLVSTRIS, & MAGNIFICI DOMINI

STANISLAI

à B Y K I

BYKOWSKI

PRÆFECTI KŁODAVIENSIS,
S. R. M. AVLICI.

[&]
LECTISSIMÆ VIRGINIS

A N N Æ
COMITISSÆ

à L E S Z N O

ILLVSTRIS, & MAGNIFICI DOMINI

VLADISLAI

COMITIS à LESZNO

SVCCAMERARII POSNANIENSIS,

OSTRESOVIENSIS, &c. PRÆFECTI,

FILIÆ CARISSIMÆ ERECTVM.

*M. GREGORIO HOFFNER, Artium Magistro & Philosophiæ Doctore,
Seniore pro tunc Scholæ Lipsiciæ in Chocz.*

Anno Domini 1653.

POSNANIÆ, In Officina Viduæ, & Heredum Alberti Reguli.

IN S I G N I A
Illustrissimæ Domûs Vtriusq;



Dum sibi Magnorum hæc duo iungi Stemmata, cernis.
Gloria Virtuti est consociata suæ.
Vtraq; Consilio florent, tum Vi metuendâ
Martis, Magnanimis digna perinde Viris.

22339^m



AS felicitatis vestrae splendor, qui ab auspiciatissimo Connubij vestri nexu refulget, publicae ubiq; hilaritatis videtur indixisse solennia. Et Familiae vtriusq; vestrum fundatam, firmatamq; amplitudinem, & publicae rei non omine vano, spondet, & iam e propinquo ostentat fulcimentum. Heroum vita nescit esse otiosa, non alteri, quam gloriae tributaria, solius aeternitatis mancipata obsequio. Eam vos ordiri, & fausto passu ingredi, fortunatissimo decurrere, vota omnium laborant. Lætus hic, & concolor vestro Hymeneo applausus, ad eandem gaudij collimat metam, ut spes patriae, vitam viuatis per quam fortunatam. Cuius enim hîc temeritas in Cynicorum erumpat superbiam, ut non aestimet Alexandros, & summorum luminum concursum, tantamq; gloriae coniunctionem, in spem vltiorem, praesagio non transferat. Quorsum enim altissima Familiarum sydera, in vnum, mutuumq; fœdus conueniunt, nisi ut ad immortalitatis decursu, adsit illustris radiorum societas, quae posterorum admirationem, tenebris intercipi non sinat. Priuatae felicitatis est, breuib; aetatem expectationibus definire. At quos supra hanc sortem, supremus Coniugij author, copulauit, cum ipsa temporum, edacitate pacisci videntur, ne vicissitudo sociata in vnum, Familiarum decora, praesumat dissipare. Non aliud contra hanc procellam, more superbi illius, altiora, eminentioraq; papauerum capita decutientem, tutius, validiusq; munimentum, quam Illustrium Familiarum arctior necessitudo, quae fatis moram iniicere videtur, & ab hoc aeternitatis arcere sacrario. Quam ergo praclare consultum is, Illustris Sponse, auitae Maiorum tuorum gloriae, nec desidem te probas, tot Heroum sobolem, cum tibi Principis in Regno domus sanguinem, thori, & vitae sociam destinasti.

Illustris virgo **ANNA** Comitissa de Leszno, vel ipso nomine gratiosa, in perennem amoris tecum conspirat nexum. Pontificali dexterâ Illustrissimus Regni Primas, & Princeps, **Andreas** Comes de Leszno, Gnesnensis ArchiPræsul, summæ in hoc Regno potestatis, vicariâ votiuam vtriusq; Vestrum elargitur prosperitatem.

ritatem. Ad omnes redundat hic publicus lætitiæ sensus. Et me minorum gentium Quiritem, in eam erexit alacritatem, ut promptioris, deditiq; mágis officij, quàm aliquâ elegantia polití styli anathema, ad hoc delubrum vestræ felicitatis deferrem. Optarem certè cultiorem tanto obsequio animum, literasq; maiores, sed cum Polonæ libertatis censura, seruilem illam, proscripterit legem, quæ Lysippum, & Apellem, Heroico vultui fingendo destinauerat, cæteris repulsis, ne temeraria manu, in venerando opere luderent. Et ea Heroum indoles, ea comitas, ut quandoq; illos etiam è quercu, non ex ebore sculptum deleat simulachrū. Quid igitur virtutis vestræ gloria Patríz pollicetur, legetis, & hoc meum exile obseruantia monumentum, beneuolâ accipietis manu. Humanitatisq; vestræ radium, ad hæc quæ semipaganus auguror vates, deriuabitis.

Falso queri genus humanum, fortunâ virtutí iniquiorē, magni viri, magnis cōuicere experimentis. Ea virtutis indoles, quæ etiam hoc numen exoculatum veneratur. Quando enim non ancillantem virtus fortunam experta, ac non beneficio sapius, effusoq; fauore nutrita, quàm aduersis odiis prægrauata, etsi rarò illi defuerit lior, Zoilorumq; latratibus fatigata, victrices palmas, triumphalesq; meruit laureas. Aduersis nunquam succumbit, sed subitis casibus maior, in altum assurgit, cæloq; adscripta Ciuis, caput inter sydera condit. Et quisquis in hoc vitæ proscenio comparuit, seu maiorum circumstant illum in fastos æternitatis relata decora, siue nullæ illustres Auorum cæræ, nobilitati suffragentur! propriomet stat arbitrio, hæc in lucem, vel in obscurum ignauia lucum asserere. Nec verat lex, si virtus contendat, imagine parta familiæ inferre claritatem. Ciuem Romanum, nasci, dignitatum, honorumq; sacraria, hæc referabat clauis. Frustra tamen quis ad hæc operosum, moliebatur gressum, ni prius delubrum virtutis ingressus, non tam accuratâ adorantium prece, quàm innocentia, & sanctitate, numen illud fuisset veneratus. Vicini fani valuz facild pandebantur, clientemq; in adiuta penitiora immittebant. Ita honoris augusta virtutem manu ducente, in hanc usq; diem, multis (etsi cæteris fortuitò irrepentibus, non nisi larua probitatis vitia velante) pandebatur. Quæ sita multo sanguine, reperta multo gloria, non nisi virtute succollante, calamos, & ingenia fatigat scriptorum, feliciorumq; ingeniorum ambit prouentum. Nec alium desiderat Alexander, quàm Homerum Achillis laudatorem. Ita enim crescit magnanimo cuiq; ardor, ut radiantem in aprico

hono-

honorum, & gloriæ Maiorum virtutem, quasi lampada porre-
ctam retineat. Ignauiam Vaciae, cui in secessu amœnioris villæ
delitescerat, immersus, senilis prudentiæ Magister taxauit, latere,
non viuere hominem colligendo, & quasi tempestiuè suo præ-
luderet funeri, Rus illud prætereundo, titulumq; Cenotaphio
affigendo. Vacia hic situs est, sæpius ingeminauit. *Senec.*
multis obrepat similis inertiae dulcedo? quæ mox adamata, ge- *Epi. 55.*
nerosam Maiorum indolem, præpostera Metamorphosi in defi-
dem transformat socordiam; naturam plerosq; damnantibus,
quæ cum magnos viros genuerit, quasi lassæ, & effata in poste-
ris deficit. Succenset Cicero, nomen illud eloquentiæ, Gorgiæ, *Plut. in*
cuius contubernio, & institutioni, non doctiorem, sed bibacio. *Cic.*
rem subtraxerat filium. Bicongiis vna Amystide siccandis ma-
gis exercitatus, quàm dotali, hæreditariæq; suæ Domus parandæ
facundiæ intentus, plus vini, quàm olei prodegit. Pedotribam,
an discipulum in ius vocem, ambigo; magis certè indignor ado-
lescenti, qui sub honestissimâ Cratippi alterius Ludimagistri in-
stitutione, non nisi madida mero sponsia, calicum remex, &
conuiuij nauta adoleuit.

Patuitq; non semper posteros in parentum virtutem, & ca-
teram immigrare hæreditatem. Nec sine indignatione in campo
Martio Romanæ flæs nobilitatis, miratur Scipionis Magni, qui
æmulam Imperij Carthaginem, ita armis oppressit, vt vix de so-
lo nomine triumpharet. Nullius nisi nominis hæredem filium, *Val. di*
non aliisq; nisi paternis meritis stipatum, candidatum, alieno *Max.*
peculio, honores licitantem. Non nemo annulum eidem, cu-
ius gemmam ingeniosus artifex in vultum paternum anima-
uerat, detraxit, dissimilem patri genium exprobrando. Et hac
ratione pleriq; ingrati in Maiores, quos nullius propriæ lucis
dignantur fænore, illiberales in posteros, quibus nullum cre-
scendi documentum relinquunt, iniurij Manibus, imaginibusq;
Auorum, deuota fumo capita, non serenum, aliquod lucis, sed
fumum, nebulamq; illis affundunt. Quantæ verò laudis, con-
tinuatam splendoris publici seriem, Natis Natorum, & qui na-
scentur ab illis, conseruari. Est alioqui perdecorum, ad hæc Mil-
iadis trophæa, cum Themistocle, insomniam agere cum Theseo,
vel in quiete nocturna, Herculis laborum imagine delectari, ad
similiaq; excitari. Et quod de Carolo Quinto constans vulga- *Lux*
uit fama, illum nobile artificis ingenio elaboratum Horologi- *Euan.*
um, cum omnibus libramētis, currentibusq; & recurrentibus *Engel-*
rotulis, annulo reclusum circumtulisse, temporisq; momenta di- *Gra.*
spensan-

spensantis, sæpius audiisse vocalem sonum, horam adesse. Certè
 congruentius vestigia Maiorum ingressuris, viua, ac spirante eo-
 rum virtute, quasi æris campani sonitu excitari: moneriq; eam
 temporis ineundam rationem, ac ita partiendam, quæ perenni,
 gloriosæq; Maiorum memoriæ retinendæ, sufficiat. Ædificium
 est quoddam ingeniosâ architectante Maiorum industriâ exci-
 tatum, posterisq; consignatum, Illustris gloriæ titulus, quod im-
 ber edax, aut Aquilo incurrens, tempusq; ipsum mille casibus
 armatum, facile potest subruere. Nec in hæc aduersa, quæ famam
 Illustrium Nominum demoliuntur, tutius munimentum, quàm
 posteritatis, gnauâ, sedulaq; solertia. Vtq; naus illa remis triginta,
 contra marinos fluctus armata, quâ Theseus insanos huius ele-
 menti vortices sæpius ad transeundi composuit licentiam, tot
 annorum decursu studiosè conseruata, Demetrii Phalerei atti-
 git ætatem. Ex eas nimirum carie tabulas, nouis permutando,
 illius prospexerunt integritati, multorumq; in Attica sapien-
 tum fatigauit ingenia, perennitatem illius admirantium. Fama
 est, Naus cui frustra polliceamur æui diuturnitatem, si Ma-
 iorum ingentes actus nullis nostris protrudamus. Et ô quàm
 præposterum? exorsum æternitatis prologum, ætatem ferrè, i-
 nepto absoluere Epilogo. Boleslai Kriwousti Principis Nostri,
 bellatoris, victorisq; fortunatissimi ingenium, & exemplum pro-
 bo. Ne virtutes defuncti Parentis in obliuionem abirent, ad qua-
 rum se imitationem, composuerat, opificis celte efformatam.
 vultus Paterni Iconem, in aurea lamina è collo pendula gestare so-
 litus erat, cuius crebrior intuitus, voci paternæ æmulâ vi, ad ar-
 dua quæque, & Principe digna semet excitaret. Vtinam verò
 domesticum hoc Magni Principis exemplum, in pectora cæteris
 descendat, mentem sæpius exagitet, vt virtutis apicem, quem
 plurimi Magnarum stirpium transfugæ, festinato descensu so-
 lent destituere, erigant amènius. Sed quo tandem abripior?
 quorsum in præsens ratiotinari, quæ Familiarum splendores cir-
 cumscribant periodi? quid attinet, in alto iam humanæ volu-
 bilitatis demersos misereri? Error errorem trudit, & catenata
 serie languescentem imprimis Maiorum alacritatem frustra, se-
 cundi feliciori nituntur promouere passu. Domus interea Tua
 Illustris Sponse, indomitis animis sollicitabat gloriam, & alios,
 atq; alios submittebat, qui in culmine apparerent. Quanta mi-
 hi materiæ seges, in præterita sæcula animum, profligenti sese
 offert, dum ibi plurimarum dignitatum fasces, sacras, ac profa-
 nas purpuras, domi Tux congestas video. Iaxas, Samborios,
 Ducalibus eminentes thiaris, Vinidarum, seu Serborum, Pome-
 rani

*Plut. in
Thes.*

*Crom.
lib. 8.*

raniæq; Principes: Ac non ita pridem Regni Nostri Vafallos,
 non in hanc producam scenam. Ianislaos, Gedeones, Theo-
 doros, Clementes, Sulislaos, profanâ, ac Sacrâ togâ illustres, non
 hic memorabo. Profusam illorum liberalitatem in Religiosa-
 rum asceteria familiarum. Miechouiense, Andreouienſe, O-
 liuense, Wachocense, Cyricense, Zwierzynecense, Staniatoceneſe,
 Cænobia, Ecclesiæ luculentis, imò basilicis dotata redditibus, & ipsi
 parietum lapides seræ perorant posteritati. Długosiorū, Crome-
 rorum, Bilsciorum, Paprociurum, Okolsciorum, nolo me, ana-
 gnoscem, aut amanuensem profiteri. Mereborq; veniam, si
 de sacrario familiæ Tuæ, hæc augusta nomina, an numina pro-
 mere negligam. Et hæc remotiora gentilitij Tui Gryphis de-
 cora, admirabundo venerabor silentio. Vna enim pagina, tam
 nefas, quàm arduum ea colere. satiusq; à me præteriri Magno-
 rum huius stirpis gloriam, quàm pridem iam suis fastigiis inuol-
 uit æternitas. Impleuerunt iam hæc ingentes animæ verticem,
 cælo inferendo, non paginas, sed libros. Terra Siradiensis.

Patritijs facunda viris.

Carmen

Sirad.

Trabead.

Magnorum virorum ferax, & Senatoriis trabeis per plurimas
 curules sparsis celebris, illa me tacente, altius intonet Illustrissi-
 mam gentis Tuæ propaginem. Iaxarum germanam Sobolem,
 togâ Senatoriâ, Martioq; paludamento decoram, Reipub. Polo-
 næ conseruandæ nunquam defuisse. Eralmæ pacis oliueta, &
 bellici fragoris tempestates, Vestram expertæ alacritatem. Non-
 ne superat Auus Tuus Illustris Sponse, STANISLAUS BYKOWSKI,
 Lanciciensis Castellanus, dein ob summa in Rempub., Maie-
 statemq; Regiam promerita, Siradiensis Palatinus, Decios illos
 Romanos, deuotis corporibus in hostes ruentes? A magno ca-
 lamo, magna meruit elogia. Is felicitati eius accessit cumulus
 laudator disertissimus, Illustrissimus in Regno Senator, Religiosis-
 simus in Ecclesia Antistes, Nestor ille Lechiæ STANISLAUS LV-
 BIENSKI, PŁOCENSIS PRÆSV. Penna illa perennis gloriæ interpre-
 te, incomparabili Herôi prouidit æternitatem, quam suis vir-
 tutibus eximiè promeruit. Agitabat iam consilia impius in
 Nepotem Patruus CAROLVS SVDERMANIÆ PRINCEPS, de Coronâ
 Regni Sueciæ, plus quàm Punicâ perfidiâ, ex capite Regis Nostri
 gloriosæ memoriæ SIGISMVNDI TERTII rapienda. Mentem
 eius, animunq; insanâ ambitione turgescens, versabat hæc
 cogitatio. Et iam non Regnum tantum, verum etiam vitam
 innocentissimi Regis, Tyrannus ille appetiit. Sed scelera in oc-
 cuito diu non latent: sparsa, vulgataq; fama optimi Regis, vitam

Stocholmiæ in Suecia ultra Balcicum præsentissimo discrimini
obiectam, prisca Polona fide, quæ ad inuidiam orbi innotuit.
Principes nostros, quorum Regum illud exemplar Sigismundus,
sanguis, successor, in subditorum gremio, ad securi prolubium
somni quiescere posse; atq; in Maiestatem Regiam exciti, pie-
tate. Illustres viri, & alti spiritus Herôes, ventis nec quidquam
secundis in Sueciam soluerunt, vel sanguine proprio subitariæ il-
lius rebellionis exardescendentem flammam restincturi. Legat no-
mina illorum posthuma posteritas, quæ contra edacem obliui-
onem, suâ manu, & stylo, muniuit Magnus ille Antistes. Deuo-
tam erga Regem illâ tempestate commotâ charitatem, limatissi-
mâ eiusdem absoluo Suadâ. STANISLAUS BYKOWSKI, Castellanus
Lanciciensis, Siradiensisq; Capitaneus, è Siradiensi, & Lanciciensi
Territoriis, florentissimæ Equestris iuuentutis lecta robora, plura
trecentis adduxerat. Ultra maria, & glaciale Oceanum Tuz
fortitudinis Illustrissime Heros, & proiectæ in discrimen salutis,
stabit ære perennius monumentum: non in faxis, marmoribusq;
Tuz Magnanimitatis mirabimur Anaglypha. Sed nostra, & se-
quens in annalibus nostris leget, imitabiturq; ætas. Palmaribus
iam comprehensum lineis, quàm promptè, quàm animosè Re-
giam vindicasti Maiestatem. Sed habet hoc præcipuum altior
Heroum Spiritus: more solis irrequietum circinat orbem, paca-
tum nescit, nec ambit quietis interuallum. Proprium hoc fuit
Illustrissimi Tui Aui. Quorsum enim trans æquora, hostem in la-
tibulis æterno gelu damnatæ Sueciæ quæreretur, intestino domi
Annibale motum civilem, contra innocentem Regem concita-
nte? Verùm ego subscribo hîc facile Themistocli artem o-
bliuionis eligenti, & indictam Sacrosancta legum Patriarum au-
thoritate, obseruo amnystiam: piaculumq; cenfeo, ea, quæ æterno
damnata silentio, in medium afferre. An verò hic terminus hæ-
ret defixus obligatissimi Regi, Patriæq; officij. Cerno Moschuæ
barbariem, suo simillimam cælo, inuictæ robore Stephani Regis
fractam, ante solium suæ Maiestatis puluerulentam procumben-
tem, sacra legationis nouo ausu, & fas gentium temerantem,
& rursus contra Sigismundum Tertium, fracta arma refouen-
tem. Occurrit Smolenscum Aquilonaris Troia, quod peruel-
lis Glinscij quondam astu nefario, à Magno Ducatu Lithuanie
abstractum, in Titulum Ducalem Moschovia Tyranni coaluit,
auspiciis Victoriosissimi Regis, gens illa barbara repetundarum
damnata, de malè possessis exturbatur, & quòd in Regni ran-
tum hærebat Sigillo, etiam cum censu, finibus postliminio acced-
fit.

fit. Ne verò impunitum scelus maneret ad Clussum, immedicabili plagâ flagellatur. Nonne Martis hic pullus (Auum tuum intelligo) in campis illis sic gloriam vrgebat, quos cadaueribus Moschorum conseuit? Sed quid Iliadem nuci, tot belli, pacisq; trophæa exilibus angusto lineis. Meruit Illustrissimus Heros, Plinium laudatorem, sed securus iam ille gloriæ suæ, utque nullius magniloquentiâ ambit assurgere, ita nec timet cuiusquam styli humilitate iacere. Martius Heroem obsedit pulvis, non idem tamen obliuioni permistus, memoriam Magni Senatoris aboleuit, seris narrabere nepotibus Regiæ dignitatis, Patriæ integritatis vindex, seruatorq; fortissimus. Num verò in Filio Illustrissimo genitore Tuo PRÆMISLAO BYKOWSKI, Vexillifero primum Siradiense, Lanciciense, Siradiense demum Castellano, Prædecen: Clodauien: Gubernatore, Martius hic vigor, & boni publici elanguit cura? Abijt è mortalium collegio vir, Patriæ integritatis studiosissimus, non ita tamen abijt, quin posthumam sui effigiem, & gloriæ compendium, Illustrissimum Tuum Parentem exhiberet. Ea demum magna felicitas, non minus Nobilitatis, quàm virtutis, liberis relinquere hæreditatem. Multorum votis rarus hic respondet effectus, certiusq; in fortunam magis, quàm in virtutem viuere posteritatem. Transferebat Regna, totq; Prouinciarum Titulos Carolus Quintus Imperator, in Philippum Secundum Hispaniarum Regem, hocq; illi vouebat ad extremum Pater, ut sibi proles huiusmodi adolesceret, in quem Regna transferre posset, necesse non haberet. Non est opus, ut quispiam hæc de vestra Domo nuncuparet vota, quæ viros viris, ad magna quæque natos submittebat; Quot enim Tu Fa: Stra.
lib: I. dec.
I. Illustris Castellane Siradiensis, ex hæreditario gloriæ fundo, triumphales laureas manipulatim conuexisti? Ad Chocimum vulturni Regni uero Osmano Turcarum Tyranno, Poloniæ incubanti, iuisti obuiam, & Principem tum Poloniæ post Regem Vladislaum IV., in minuendis Othomanicæ Lunæ cornibus occupatum, sequebaris. Ex ipsis marinis fluctibus enato titione Castafo Adolpho, Achille Suecico, Prussiam populante, Tuis stipendijs, armatâ cohorte rem Patriæ defendisti: ubi res, & occasio poscebat, togatum, armatumq; consilium impendisti. Vidimus Te in Conuentibus Sadecensibus, Nobilitati municipij Siradiensis ea suggerere consilia, quæ non Tuam priuatam potentiam, sed Poloniam fundarent integritatem. Audiuius in Comitij Generalibus feracem Consilij Tacitum, arcana publici status inspicientem, ut proprijs imputares dispendijs, si Te Patriæ non impen-

impenderes. Vixisses vtinam Illustrissime Heros, Polonæ felicitatis, contra Eunus, Spartacoſq; insolentes, manu forti, consilio prompto, stator, sospiratorq; audires. Sed eripit se, aufertq; ex oculis hominum perfecta virtus, & inuidum tanti decoris cælum, ad illud consilium, immortalitatis euocauit optimum Senatorem. Publicis consiliis, vt Archimedeſuis orbibus immerſum. Iter iam Cracouiam ordinauerat, ad Comitia Inaugurationis Serenissimi Principis, IOANNIS CASIMIRI, (cui vitam, felicitatem, victorias, vel in hoc diuerticulo apprecamur) & in ipso viæ apparatu, Comitata fatorum, lege migrare coactus è vita, non tam obiit, quàm suam orſus immortalitatem. STANISLAVM BYKOWSKI, GVBERNATOREM SIRADIENSEM, quid hic memorem? quàm diu Siradia, imò quàm diu Sarmatia stabit, incorruptam Iudicis prædicabit integritatem. Verè arbiter æquitatis, qui Diuam illam, æquâ lance, præmia, & pœnam ponderantem, ita sibi fecerat familiarem, vt quasi genij alicuius instinctu, nullo fauore, sed legum rigore, Prouinciæ huius statum temperaret. Liceret & alios Tuæ Illustrissimæ Domus proceres in hoc deducere theatrum, quorum merita, effusa à benefica Regum manu præmia exornarunt. Sed quid illis à meo calamo splendoris, quos iam victuræ gloriæ vestiuit abolla? An etiam, rastra tua Materna ILLUSTRISSIMÆ TVÆ GENITRICIS Sophiæ de Lipe tacitus præteribo? Seu genus, seu virtutem spectem, vtriq; torosa licet succumbit facundia, quo virtutum colore Matronalis pudicitia decorauit stolam, ad præsens non memorabo. Quantum verò hæc Æconomica supellex Maternæ Tuæ ceræ publicis contulerit rationibus, in præterita tempora cogitationem non reiicio. Qui satis decessit, famæ superstes, Andreas Lipski, Luceoriensis, Wladislauiensis, Cracouiensis, Episcopus, & Regni Supremus Cancellarius. Quantus ille vir? disertissimi Academix meæ Historiographi Ioannis Innocentij Petricij libet eum comitari stylo. Andreas Lipscius, Vir Iudicio, calamo, ore Magnus, pro veritate firmissimus, cuius amplitudinem frustra stringerem hoc angusto spatio, vel manu. Veniam merebor apud Te Illustris Sponse, qui strictius vtriusq; Domus Tuæ decora recenseo. Annales texenti vtramq; implerent paginam, num ergo illis mea inexercitata par est mediocritas? Ad Te iam calamum, & Stylum verto: Spirantem in Te, ac rediuuium, tot Heroum genium intueor: quorum vt nominis hæres, sic virtutum imitator esse contendis. Seu ætatis Tuæ primæuum florem cultiori literaturæ implantatum, seu adolescentiam peruestigia

Ioan. In-
 nocen.
 Petricius
 in hist.
 Anni.
 1620.

stigia Maiorum gradientem circumspiciam, non vna mentē occupat magnitudo. Vix bullā pueritiæ Illustris Sponse deposueras, cum ætas Tua in ipso vestibulo mansuetioribus literis tingi cæpit, attraxit ea vt bibulum colorem lana, vigoremq; illum vernantis animi iis excoluisti studiis, quæ maturum in viro fructum, dignum Nobilissimis Maioribus, dignum optimo Ciue germinerent: & festam suā recordatione oblectarent senectutem. Insuper hoc Tuæ Generosissimæ menti, frustra quempiam vltiori ætate, vel Autumno speraturum messem, si in iuuenili vere neglexerit facere sementem. Magnum viro publicis vsibus nato, ornamentum eruditio. Non aliud tutius ad reliquum ætatis flexum viaticum, quàm iuuenilis ætas, poliori literaturâ exercita. Hæc illa Pharos orbis miraculis meritò adnumeranda, quæ nauem ætatis nostræ, in optimam deportat stationem. Palæstra illa bonæ mentis Vniuersitas Cracouiensis, Magnorum Virorum Seminarium, vel me tacente Tui ingenij approbet rudimenta. In vmbra Lycæi illius, lineamenta Ciuilis Prudentiæ, cuius nunc absolutum in Te videmus exemplar, ductabas. Laboriosæ Academicorum Professorū sedulitati, iuuentuti Polonæ arctiori Sacramento deuotæ, ingenij Tui capacitate respondisti. Nihil offerebant illi sapientiæ Doctores, quod celeritate non reciperes, aut sagacitate non præuenires. Vix pubertatis annos ingressus, iam poliora studia, iam eloquentiam, iam Mathesim felicioris ingenij otium, iam Philosophorum, Iuris consultorum, præceptiones combibisti. Siue veteres annales interpretatione commendassent, ad Tuæ ætatis tempora, deflexisti. Obuia rerum similitudine, & satietate, seu propoluissent Ciuilem sapientiam, ad modum vitæ instituendæ, transtulisti. Eò destinabatur omnis tuus conatus, vt notitiam recti memoriâ reconderes, parares vsu. Quas alij dierum partes iocis, & lusu, contrahunt, seria esse voluisti, & sedulitate extendisti. Noctes quoq; vestigales libris addixisti, res æstimans ex verissimo sapientum placito, Vitæ addi, quod somno demitur. Et hunc ipsum quasi Publicanum, dimidiam vitæ nobiscum partiri rationem. Ergo hoc tenore educatam veræ gloriæ Cupidinem, quam æmulatione Maiorum præterea succinxeras, ne ad magnos profectus nitenti, opportunum deesset robur, Prudentissimi Patris consilio, in Augustius transtulisti Theatrum. Imitatus artificum industriam, qui opificia sua multis sudoribus expolita circumspiciunt accurate, accessuq; oculorum, & recessu explorant, an conspectum populi ferre valeant. Ambiuir Te Aula Serenissimorum Regum

C

Vladi-

Vladislai Quarti, & Ioannis Casimiri: campum nactus es, vt capacem magnarum rerum adolescentiam ad maiora proueheres. Eruditio, facundia, probitas, dignæ Patriiæ prole dotes, Augustius pegma poscebant, vt inter eminentes consisterent. Et postquam datum est, magnificè apparuerunt. Sermo modicus, ac tersus, prudentiæ specimen faciebat. Procliuis ad sui submissionem humanitas è vultu loquebatur, quo comitatis illicio aliorum animos inuaderes. Multa paucis complectar. Sedes illa prudentiæ, Reipub: facies, Nobilium virorum comitium, Aulam intelligo, ita Ciuitatem tuam venerata est, vt & virtutem Præfecturæ Clodauensis prærogatiuâ honoraret. Quod tanto tibi gloriosum Regiæ beneficentiæ in hac tua ætate augeri prouentu, quanto cæteris familiare, amplissimis profligatis patrimoniis, deficiente Censu, ab Aula inglorios ad suos Pagos, si qui supersunt, villasq; se recipere, vbi tanquam remisso pompis humanis nuntio, in mera solitudine, inopiaq; Philosophari coguntur. Tu extra sortis huius orbitam, quomodo tutiorem ingressus viam, alibi aberrares. Iam & Patria cum his Te ad Opis, cum illis ad Concordiæ ædem inuitauit, iuisti, succuruiisti promptè, consuluiisti prudenter. Sæpius in Comitoliis municipij Tui Siradiensis Legatum Ordo Equestris destinauit, vt Oratorem, in Comitibus Generalibus ageres: eam muneris Prouinciã libenter admisisti, vt non tantum Tuorum studiorum fructum in commune præstares, verum etiam, ab optimarum partium Patronis disceres, solidam rectè agendi rationem. Poscebat necessitas, vt Sagum Togã commutares, & seruilis belli tristem tumultum, quo infelices Sarmatæ in hunc vsq; diem atterimur: victricem Aquilam, triumphalem manipulum, Serenissimi Regis comitatus, ab aris, focisq; Patriis aueruncares. Non segnius ferrum strinxisti, quàm innatam Tibi Sui: dam pro libertate Patriæ prompsisti. Zborouien: Berestecen: victorijs non otiosus spectator, Tuæ fortitudinis dedisti Symbolum. Non tam durior chalybs in vmbonem aptatus, quàm ipse Martius Tuus impetus, audacter excipiebat densum pilarum imbrem, vulnera, mortemq; dispensantem, ab agresti colluie in nostram aciem euibratam. Belli, & pacis artibus clarescere, pulchrum censuisti. Optimis iam ditatus spolijs, Maiores Tuos euocasti de busto mortalitatis. Manes, & imagines Auorum, in famulantes Tibi animasti adoreas. Parentem Tuum, velut suum Anchisen pius Æneas, in humeros suscepisti. Non nominis magis, quàm factorum celebritate repræsentandum. Quasi interessem Heroi Patri Tuo tabulas testamenti condenti, qui ad extremum

crema iam deductus, non aurum, & argentum, nec opes vicini
fundi, cespite lure, iniuriaq; adiecto, vel per summum dedecus,
infamiamq; sobolescente nummo partas, sed vitæ Tuæ imagi-
nem, Tibi, Fratribusq; Tuis consignauit. Quàm illos benè ex-
primere ominamur. Et iam Illustris Iuuenis, Tuus Frater Vladi-
sla⁹ Ioannes felici nisu assurgit, qui æmulo Vlyssis passu, Germania,
Italia, peragrata, diuitem mercem cultioris literaturæ in Patriam
inuexit. Enim verò Illustris Sponse, ab hoc solis Maiorum Auiti,
Paterni, Tuiq; fulgore, minimè Te credis serenari. Amicum ti-
bi sydus Lunæ fortunato sponas connubio. Scitum erat Ro-
manæ vetustatis inuentum, Equestrem gentis illius honorem,
non alio, nisi Lunæ insigni noscitari Nobilitatis prærogatiuam,
Lunæ ad instar crescere, minui, Ecclipsari, forsitan innuebant.
Quidquid sit, Tu Illustris Sponse vetustissimæ huius, Illustrissimæq;
Prosapix, Comitum de Leszno, fausto pede ingrederis lararium.
Constantium Bizantinum Imperatorem, Romanæ vrbs magni-
tudinem, vettigiaq; priscae Maiestatis inspicientem, ita de hac or-
bis Epitome sensisse comperio, Naturam vires suas in vnam vr-
bem effudisse, verissimumq; illud.

*Platina
in Fel.*

Natura hic posuit, quidquid ubiq; fuit.

Vestram Illustrissimi Comites de Leszno ab ipsis Regni nostri
incunabulis retexendo virtutem, tot sæculorum veneratione ho-
noratam, rectius id de vobis ausim affirmare. Religiosissima Fe-
mina, & Principe Dambrowka Miecislai Primi è nostris Princi-
pibus Christiani Coniuge, fidei Orthodoxæ primum lapidem ia-
ciente, Comitem Perstimium è Regno Bohemiæ Ciuitate no-
strâ donatum, cõstans annalium testatur traditio. Et Comitatus
Lesznensis titulum, posteris transmisisse. Annorum sexcentorum,
& amplius seriè continuatum, ille solus dubitet, qui Patriam
non euoluit antiquitatem. Ac mihi quidem Illustris Domine,
in lectissimæ Tuæ Sponsæ Eudoxiam, tot annorum decursu sum-
mis honoribus fastigiatam aciem immittenti, illud occurrit, non
nullus Romanorum Oratorum, Corneliæ Matronæ famâ super
æthera notæ, prolixo aliquo parentaturus Encomio, identidem
hoc solum declamauit, ex Grachorum Familia nata est. Crede-
rem & ego, abundè Illustrissimæ gentis gloriæ à me satisfactum,
& quasi Hecatombelitatam, Pudicissimam hanc Virginem, ge-
nus, & sanguinem esse Illustrissimorum Comitum de Leszno.
Quidenim intactum Illustrissimi Comites reliquerunt? quod
non in suum decus emeriti transferrent? Illi Palatinorum subse-
lia, illi Castellanorum fascēs, illi Aulae Præfecturas, atq; Exerci-
tuum

uum amplexi. Non illis defuit Censoria grauitatis scipio, qui Regum sceptrum præiret, & Senatum, aut Equestrem Ordinem, regeret. Non Martius ardor, quo hostium cuneos profligarent, non sigilla, quibus Regni commoda obsignarentur, non Suprema ærarij Quæsturæ, Patriæ commoda intentissimæ. Exundauit admirabilis dexteritas, etiam in remotas orbis partes, & domesticis Prouinciæ ripis alligari nescia, Principum externorum amicitias, publicis Legationibus, Officiisq; occupauit. Etiam sanctiori politia Bicorni Mitrà, Pontificali q; præiuit peddò, continuò enati fasces ex fascibus, quasi hæreditariam in Illustrissima stripe retinent dignitatem. Bosutan Wieniauium, Archipræsuleà cruce, Metropolitanoq; pallio fulgentem, Adalberti successorem, illa quæ iam præcessit mirata est, nostra veneratur ætas. Raphael Comes de Leszno, disertio rem stylum suæ Industrie, virtuti q; mancipauit Liuium Polonum, Martinum Cromerum, dignitate, literis eminentem, habet laudatorem. Quanti animi Heros? Legatus ad Casimirum Principem Raphael Leszcinijs Eques Polonus, verum cum plures Annos in Ministerio Imperatoris versatus, ei q, inter paucos carus, homo nauus, & magni animi, qui parui fecerat difficultatem itineris, pericula, & infidias à Matthia Rege Hungariæ comparatas, quarum ergo Lationem illam Teutonici defugerant: En inmani mole aspectabilem obeliscum viro magno erectum, qui non Poloniam, sed etiam Germaniam suæ Magnitudinis spectaculo recreauit. Tacebo ne? Płocensi Cathedræ, Catholiciissimæ q; Masouia inspiratum, prisca, & Auitæ fidei zelum, ab eiusdem nominis Antistite Raphaelæ Leszczinski. Ille Duces Masouia, & Equestrem Ordinem illius tracto, suo consilio, & autoritate ed flexit, ut pænis grauissimis sancitis, deliram Martini Lutheri Heresim, eius q; sequaces in hanc vsq; diem procriberent. Quantus Tu es Raphael Comes de Leszno, ad Ioannem Basilidem Moschouia Tyrannum æui illius Phalaridem, non minus notæ Prudentia, quam fortitudinis Legatus, legibus Patriis tenacem assereres obseruantiam, retrogrado ad gloriam eluctaris passu, Palatinatum Brestensem, Radomiensi postponis Præfecturæ. Nec aliter censes tuam augeri Celsitudinem, quam humiliori descensu ad Sremenssem Castellatum. Fatiscisti, gloriæ vitam inchoasti, abdicatus tamen honor nescit alio diuertere, quam ad Filium Tuum Brestensem Palatinum. Tua q; merita in Filio virtutis hærode exornauit. O quem verò dicam! Illustris Sponsæ Tux Auum Venceslaum Comitem, de Leszno, Calissienssem Castellatum,

Pala-

Mart:
Crom:
lib. 27.

Stanisla:
us Lub.
in Vie:
Episc.
Pol:

Ioach:
Biel:
Stanisl:
Orych:

Palatinum, Supremum Regni Cancellarium, Maioris Poloniae Generalem. Non est certe praesentis operae vestigia viri aeternae recordatione dignissimi legere. Plus Herois, quam hominis, cuius in agendo dexteritatem, in consiliis prudentiam, Sigismundus Tertius Rex admirari potuit, & colere, cuius virtuti una Provincia angustum theatrum fuit, ter augeri debuit, ut fama nominis impleretur. Exanimem te crederem, & communi mortalitatis necessitate sublatum, nec cadentem, calentemque spiritum, quo vitam Patriae fouebas, Illustrissimus Princeps, & Reuerendissimus Archipræsul, Andreas Comes de Leszno excepisset.

Nec tamen & probitas gelido captiua sepulchro,

Eunte subter delitescit marmore.

Andr.
Kanon.

Quæ hæreditaria successione ad Te Illustrissime Princeps deuenit. Ita Tu lubricum hoc gloriae iter, ambitionis, & vitiorum, huius sæculi abrupta, vacuus periculo peregisti, ut in hoc florido ætatis suæ, & honorum cursu, nihil in præteritum habeas excusandum, omnia laudanda. Loquuntur id Camenecensis, Culmen- sis Exedrae, quæ Tibi summa licet pro merito statim obtigerunt. Loquitur Annulus Regni supremus, quem ita fidei Tuæ creditum tractasti, ut Patriam, legumque defensares integritatem. Quoties Tu in alto tempestatum fluitantem Reip. nauem, tutiorem in portum Tuâ dexteritate subduxisti. Leget sequens ætas, & legum custodem prædicabit studiosissimum. Iam & Berestecensis illa rebellium Cosacorum clades, quem Te vidit Serenissimi Regis Achatem, Tu dignitati Regiæ, publicæque saluti curâ promptè obtulisti, sumptu, & opibus Tuis militarem manum lecti roboris militem contraxisti. Atque ita paludatus Anistes, inter micantes illius barbariei mucrones, Scythicis permistos, strictosque in nostram, & Tuam perniciem enses, Tuæ immemor salutis, memor officij, impavidus versabaris. Scilicet ad crucem Archipræsuleam, tot sudores collimabant, ut præmij nomen amitteret, quod laboribus emisti, plenoque meritorum, & gloriae lumine, in hoc Polonici honoris solstitio consistere debuisti. Florentissimus Princeps, & Reuerendissimus Antistes Warmiæ, WENCESLAVS COMES DE LESZNO, quâ comitate, quâ morum suauitate pollet, quo in Patriam, Ecclesiam flagrat amore? dignum censuit Polonia, cuius ore ad Christianissimum Galliarum Regem, pro Serenissima Ludouica Maria, Regina Nostra peroraret. RAPHA-
ELEM PALATINVM BELSENSEM, non mei calami decoret elogium. Ioan: In-
nocen: Senatoriæ curuli sublimis, hastatorum cohorte, non minus pacis, Petr: in
hist: bel: quàm belli studiosus, Chorimensi victoriæ opitulatus. Boguslai
Chot.

D

supremi

supremi Regni Thesaurarij, Maioris Poloniae Generalis, Suadam
in lingua, Consum in pectore, nulla satis deprædicabit, sera mira-
bitur ætas. Ioannem Palatinum Lanciensem, Reginalis Aulae
Præfectum, Suecicae pacificationis arbitrum prudentissimum,
Præclauum Castellatum Sremensem, coniunctissimum par Fra-
trum, Maioris Poloniae lumina, non alio cultu, nisi poplite flexo
veneror. Illustris Sponsæ Tuæ genitoris Wladislai Comitis de
Leszno, Succamerarij Posnaniensis, Ostresouiensis Præfecti, He-
roicæ mentis præstantiam, quod excitatum prædicabit ingeniū?
Spectator aderam, quando Nobilitas Posnaniensis, liberâ voce,
concordi suffragio, & vno quasi ore finium regundorum Præfe-
cturam, & Principatum Equestris Ordinis illi deferebat. Vt non
ille honorem ambire, sed ipsum prensare honor videretur. Da-
te veniam Illustrissimi Heröes, si incuriosè à me vestrae Familiae
claritudo explicata. Nec enim citra meam indignationem, po-
pulari stylo me non popularia celebrare, nec perinde æstimare
gloriam, vt ipsa meretur. Mirata Roma vnâ Curiorum fami-
liam, in qua tres extiterant continua serie Oratores, Pater, Fili-
us, Nepos. Suspexit Fabiorum Prosapiam, in qua tres itidem
non interrupto ordine Senatus, Principes intuebatur. Quid nî
permista venerationi, miretur Illustrissimam Leszcziniourum
stirpem? Tantò quidem solidiore voluptate, quantò hæc deco-
ra in oculos nostros incurrant, & remota sunt à prisca illa anti-
quitate, plerumq; obnoxia suspicionibus fabularum, inq; suarū
laudes nullo facile redarguente, licentiùs effusa. Breuibusego stri-
cturis vestrae magnitudini famulabar. Æmulum saltem Myrme-
tydis conatum, disparis licet artis, non improbatæ velamine vni-
us apiculæ inumbrauerat ille quadrigas. Date veniam, quod
immortalitatis Vestrae currum feliciori stylo sepositū opus, ran-
cidio Minervâ stipabam. Eam ergo Illustris Sponse connubio
ingrederis Familiam, quæ Patriæ, Religioni, à prima origine
coæua, iisdem se totam semper impendit. Quantaquanta est Po-
lonia à mari Baltico ad pontum Euxinum, ab Odra ad Bori-
stenem, in hoc vasto terrarum tractu, nulla pars Sarmatiae Illu-
strium Familiarum Tuæ affinitati innexarum, vacat. Cory-
letum hoc Illustrissimæ gentis, quod iam in Dodoneum abiit
Quercetum, quæ Illustrium propaginum, sanguinis nexu imple-
xa non ostendet Aposphragismata? Hic Ducum Zaslawiorum
belligero pressus sub quadrupedante cerastes. Coretiorum, San-
gusconum cordatissimi Equites, hic Comitum à Rozrazew Ro-
letum, suauem halat fragrantiam. Opaliniorum Argonauis au-
reo

reò vellere reconditæ sapientiæ, amorisq; in patriam suburrata.
Tuczyniorum Rotæ horariæ, ad perennem cursum æternitatis
intentæ. Potociorum Cruces hostili sanguine purpuratæ. Czarn-
kouiurum Fasciæ, patriæ sospitatrices. Hic Firleorum Leopardi,
Przyemiorum Amazones, placido feras domantes obsequio. Vi-
des in tuam confluere domum, Kostkarum cælo cognatum san-
guinem. Grzymultouiurum, Smoszeuiurum, Lasczyorum.
Hic Koniecpolianæ Soleæ, calcandis barbarorum ceruibus fatales.
Donhoffiurum, Potuliciurum, Korzbocorum, Silesiacæ Nobili-
tatis Principum Illustres ceræ, Tuæ domus exornant propylæum.
Longum esset recensere, legereturque.

Scriptus, & intergo necdum funitus Orestes.

Quæ Bisontem Vestrum Illustrium Heröum circumfundant in-
signia. Horoscopum natalitium, quo numerosior fauentium syde-
rum excipit concursus, tantò facit fortunatiorem nascendi for-
tem. Pars fortunæ iuncta Veneri in bono cæli loco, haud vanum
in diuitias, opesq; dat suffragium, hocq; iam certius accedente
stella Regia iisdem addicta, corde nimirum Leonis, in domumq;
septimam, quæ Coniugij est, benignum proiiciente radium, nullius
infausti fideris accessu tactam, votiuam coniugij spondet pro-
speritatem. Patria Cælum est, sidera Illustria Familiarum nomi-
na, quæ cum gentilicio Tuo imminuant horizonti, quid nî annu-
unt coniugem, quæ dote, formâ, genere, amore, moribus, ani-
mum Tuum mereatur. Si quò ibis, ipsa te salus ferat, quidquid
optabis, cælites vota præuenient. Quod si non nemo magnæ fe-
licitati Regi cuiusdam Spartani tribuit, quod illi mater fûerat,
quæ Regis erat filia, & Vxor. Nimirum sanguis à tam Nobili de-
scendens origine, quantò plus Nobilitatis, tantò plus virtutis ve-
hit. Idem Tibi præsagâ mente depromo vaticinium, tot Heröu
sanguinem, fortunæ Tuæ, bonæq; spei propagaturum incremen-
ta. Cõflata hæc in vnum Vestræ Auitæ Nobilitatis Symbola, mu-
tuum patriæ dabunt obsequium. Non casu, nec humanorum
consiliorum temperamento, vestra stetit coniunctio, sanctioris
mentis, quia diuinæ opus, olim decretum, hodie perfectum. Con-
fluente in Domum Tuam, tam opulenta gloriæ hæreditate, nouo
Te splendore auctum Superi voluerunt. Cæliq; ipsi benignitatis
sue indulgent iubar, testariq; videntur, quàm te carum habeant,
cui tam Illustrem maximis propinquitatibus, tam gratam Magna-
rum virtutum commendatione, designauere sponfam. Solis
lucem, faces nullo dignantur fænore, & is, qui cætera lucidior
Phæbus illustrat, nullum splendoris requirit adminiculum. nec
nisi

nisi cæcutientibus lumen eius ingratum. Illustrior Vestræ claritatis enituit nitor, nec vilius iam lucis, aut laudis eget, ac aliquam luminis aduentitij ambit pompam. Illustrare magis, quàm illustrari paratiores. En iam Tibi Illustris Sponse, ipsa iungitur prosperitas, ipsa Virtus indiuiduam Tecum vitæ auspicatur societatem. Illustris hæc Virgo, faustis sub penetralibus nata progenies, dexteram Tibi conjugalis beneuolentiæ tesseram subarrandam, offert. En Tua iam Alcestis, vt illa Admeti dulce rider, candidos, & sine nube Tibi spondet dies.

Grandinet gemmis riguoq; calum.

Depluat auro.

Math:

Casim:

Sarbieui:

Li: 1. Od.

Vatis nostri Cygneâ applaudimus voce, procul à cælo Vestro intrantem nubes coactæ tempestatem, infestisq; grauidæ procellis. Constans serenum molles Ethesiæ Vestræ aspirent felicitati. Subscripsere Cælites votis, quæ iuxta calculum illorum poposcerunt, dabunt, congerent plenâ manu quidquid vouemus, precamur, quidquid & ipsi precamini. Rediuiuam, reflorescentem Maiorum Vestrorum gloriam, pulchrâ prole Parentes, eò opulentiorrem, quò præsentiorrem Polonæ dabitis prosperitati. Quidquid Mars Heroum sæuâ rapuit manu, casta reponet prole puerpera. Retroactis sæculis iniicietis manum, illorumq; famam propagabitis. Laureatos fasces, purpuras, trabeas, nouo pensabitis augmento. Miscemus & nos, in vmbra otij nostri immortalivaticinio, mortalem plausum. Cæli, patriæ, Illustrissimæq; Domus Vestræ auguria, impari licet officio Styli comitati, eandem quam Cælites promittunt, Patria, stirpes Vestræ sperant faustitatem, fortunatissimis nuptijs vouemus & apprecamur.



GODOWE VOTIVVM I.

TEn iest znák požadány ná ziemi pogody
 Bogowie gdy Woolimpie gornym czynia gody
 Gdy długim obciążone berło Jowiſhowe
 Rządem/ ná čas pauzuie /strzały zaś Marſhowe
 Otárſy ze krwie ná ſwym kładzie Wenus łonie
 Siedzac miedzy Bogami w złóciſtey koronie.
 Twoy rząd Páni Wielmożna / twoi y Bogowie
 Twoie Pániſtwá / Kroleſtwá/ y ſámi Krolowie
 Twoie zamki / fortece/ ognista ármata
 Strzały / koſy/ kiryſy y woienna ſátá /
 Zeć láſkawi Bogowie rzadu wſtapili
 Dokáżeſz czego zechceſ. przy tákowey chwilt.
 A czyn/ póki Bogowie ná zad nie powroca
 Tákiey ci potentiiey w w rządách nie wtroca.
 Koſkaſ naprzod wdziac vbior weſelny Phebowi
 Toſ nieoſtrożnemu przykaſ ſynaczkowi
 Niech wonnym wſtrzy kwieciem hártowne zbroiſzke
 W kuzni zaś Wulkanowey odnowie Tarczyſke.
 Wonnym ſtrzałki nápuſci báłſamem w ſáydaczkú /
 A ták dobołu przypnie/ bez żadnego znáczku
 Koſkaſ chłodne powietrzu wypuſcić Zephyry
 W wdzieczno brzmiace wderzac wiátroplynne liry
 Dzień ſwoie niech wymiedzie weſole godziny
 Niech dobra myſl uczyni/ dla twoiey Rodziny.
 Noc Murzyńſkie niech otrze iáſnym ſwiatłem lice
 Zalobe od rzuciwſy przy wdzieczney muzyce.
 A ziemia niechay złozy ſkure chropowáta
 Inna ná ſie przybierze iáſna y bogáta.
 Wzroć miley kompaniey cieſzyć ſie z tad bedzie
 Sercá do weſeloſci godowey nábedzie.
 Koſkaſ ptáſtwu wras kzyſnac á lotu zátzymac
 Kożne koncerty co ras ináſzke porzynac
 Faunom leſnym wziac ná ſie lipozielna bárwe /
 A zrucic gáleziſta y byſzana larwe.
 Nereidom pieſzonym igrzyſto náznáczyc
 Kázac ſie Neptunowi z pokoiem pobracic /
 Przypomniec iák go Opis mátká ratowála /
 Gdy go ſrogosć oycowſta oraz pozrzec chciála

Ona go ochroniła/ niech na to pamięta.

Ze biała płeć litością jest tu niemu wzdieta /

Niech y twoidy Wenero wstucha w tym woli

Aniespokoyney na czas zaniecha swawoli.

Zmałżonca swoia tącze nakaz Wlestorowi

Przybyć: leć bez Centatow / bo ci bić gotowi

Wszak wie co przy weselney narobili dobie

Pyrothowey (jeniac sie) powazney osobie.

Gdy tak wszyscy słuchają twego roszkania

Wierna Bogini slubow pospiesz do witania /

W dom Wielmożny LESZCZYŃSKICH a nowych Małżonkow /

Oddarż: cokolwiek możesz swych mieć wspominkow.

Niechay wszystkie przy nowym slubie pozostaną

Badz tu szodra / kaskawa / Boginia vżnana.

Dobra: bo y Bogowie na to zezwalaia

Gdy na fortunne życie przywiliy dawaią

Wam świetne fámiliie życieś poki stonice

Na niebie poprowadzi nieustane tańce.

I I. VOTIVVM.

WY coście dotąd po morzu burzliwem

Długo buiali za wiatrem szczęśliwem

Zruczaycie żagle gotuycie kotwice

Siedzą przy brzegu nadobne dziewice

Do kompanii abyście przybyli

Proszą, a miley wciechy zażyli

Spieszcie co prędzey, poki morską chwala

Drogi do portu wodney nieczawala

Poki Eolus wiatrow niewypuści

Ognistich Iowisz pioronow niepusci

Syreny wdzięczno-zdradliwemi głosy

Nienaprowadzą na iakie molosy

Castor y Pollux poki niezapadną

Z pogodney Sphæry w ciemnicę szkaradną

Y oćiec Iowisz dopomoże sporo

Spieszyc się tylo iak poczniecie skoro.

Gdy iuż bieżycie, stanćiesz tu szczęśliwie

Przy pożądnym porcie, a życzliwie

Vpo.

Vpominki brać gotuyć się śmieć
 Te odebrawszy mieć będziecie wiele
 Dobrą, na świećcie zażywać będziecie,
 Im w dalsze lata da Pan Bog poydziecie.
 W domu LESZCZYNSKICH meżnych kleynot drogi
 Koronie Polskiej nieprzyjaznym, frogi.
 W radę y mestwo, w sławę nie vbogi
 W cnotę w wrodę cudownie chędogi.
 Powabia inne wielmożne ku sobie,
 Domy koronne, by swoiey ozdobie,
 Zárowne przybrał, w kompanii Cnoty,
 W rozliczne inne, podobne przymioty.
 Zooczył go bystrem wielmożnych GRIF okiem,
 BYKOWSKICH: y wnet spieszy prętkiem skokiem,
 By z Prześwieatnych LESZCZYNSKICH pobrácił się Głową
 Męstwem, sławą, nauką, miodową wymową.
 A żeś iuż tego doszedł, GRIFIE znamięnity,
 Niech wiecznie trwa, od Ciebie ten kleynot nábyty,
 Niech świećci, poki słonce świećć będzie,
 Mieśiąc ná ziemi poki nie všędzie.

III. VOTIVVM.

PRzybadź pokoiu dawno požadány,
 Przybadź á opuść niewczás oplákány
 Przybadź piástunie łaskáwey fortuny
 We wszystko buiny
 Ty mnożysz Páństwą, Krolestwą funduiesz
 Ty swą słodkością wsze wieki cukruiesz
 Ty okrutnego Marszá vchámujesz
 gdy więc pánuiesz.
 Złota wolności Swobodo bogáta
 Ktoli cię zrodził? czy nie owe lata:
 Gdy pokoy zásiadł ná krolewskim Thronie
 W złotey koronie

Mury

Mury Trojańskie, budynki wspaniałe,
Rzymskie Kolosy, Słupy, okazałe,
Gdzieście zapadły bez swego pokoju
W okrutnem boju.

Czyli was ziemią odtwarta porwała
A wulkanowi w wpominku dała
Aby z nich straszne gotował pioruny
Na wszystkie strony.

Niepokoy zgoła, domowa niezgoda
Do zaginięcia, ta była pogoda
Aby wiecznemi czasy zagięło
co przedtym było.

O Iakoś miły y slotki pokoju,
Z ktorego płyna iak zbuinego zdroju
Wszystkie pociechy, niemają pożytek
y na świat wszytek.

Iako gdy słońce zagrzewa promieniem
Polą y lasy kwitną, a zaś pięniem
Ptástwo rozlicznem, piosnki wyprawuie
a polātuie.

Tak przy pokoju wszystko się wesely
By tylko tego ludzie zażyć chcieli
Bo podczas bywa, że też y z pogody
ida niezgody.

Przybadźże y tu, z Boskiej opatrności
Pokoju miły, przy vroczyści
Godowej, gdy się GRIF BYKOWSKICH bierze
Ku wieczney wierze,

Ktorey Wielmożnym LESCZYNSKIM dotrzyma
Poki go tylko parka nie poima.
Lec będzie on żyć: bo sławą nie zginie
choć go śmierć zwinie.



